

Mataupu sapalai: Paracetamol fa'asuāvaia 120mg i le 5mL


Mai le aso 1 o Setema 2022 se'ia o'o i le amataga o le 2023, o le 'a suitulaga le Paracare i se goa fou e ta'ua o le Avallon paracetamol.

(Ta'u 'pa-ra-Sī-ta-mol')

O le paracetamol fa'asuāvaia e masani ona fa'aaogāina mo le fiva ma mea tīgā, aemaise lava i tamaiti. O le sapalaiina o le Paracare paracetamol fa'asuavaia 120mg i le 5mL ua fa'alavelavea mo se taimi e lē tumau.

E fa'apefea ona ese mai le Avallon paracetamol?

O le lanu ma le tofo o le Avallon paracetamol 120 mg i le 5mL e eseese uma mai le Paracare. O le Avallon e tau pa'epa'e le lanu ma e strawberry/vanilla lona tofo. Ae ui i lea, e tutusa lava le aofa'iga o mea o loo fai ai ma e tutusa lava o lā aogā.



Fa'amatalaga

O mea o loo fai ai e pei o fa'amanogi ma le tofoga, lanu ma le suka e ono eseese. Afai e iai ni au fesili e uiga i nei tulaga, talanoa i lau Foma'i fa'ale'āiga, tausisoifua poo le foma'i talavai.



O vaila'au ma fuāla'au eseese e ono tutusa lanu ma tofoga. Ia faitau lava fa'amatalaga ma tu'uina i lau tama le inumaga sa'o. 'AUA e te fa'alagolago i le lanu, manogi, poo le tofo.

O le ā se tele o le paracetamol e tatau ona ou fa'ainuina ai la'u tama?

- E fuafua lava le inumaga o le paracetamol i le mamafa o lau tama.
- Fua le mamafa o lau tama MA siaki le malosi o le paracetamol o loo ia te oe.
- Fa'aaogā le fua o inumaga o loo tā'ua ifo i lalo e saili ai le inumaga sa'o.

A'o le'i fa'ainuina le paracetamol a lau tama:

- Siaki poo manaomia pea lava e lau tama.
- Fa'atali mo le ta'i 4 itula o inumaga ta'itasi.
- 'AUA ne'i sili atu ma le 4 inumaga e fai i totonu o le 24 itula.
- Siaki le aso e fa'alēaogāina ai.



E taua lava ona 'aua ne'i sili atu inumaga a lau tama mai inumaga fa'atulagaina i aso ta'itasi. Afai ua tele tele se inumaga a lau tama - i le taimi lava e tasi poo ni fa'asologa o aso - e ono fa'aleagaina ai e le paracetamol lona āte.

Fua o le inumaga o le paracetamol

Mamafa o le tamaitiiti	120 mg i le 5 mL
Lalo ifo o le 5 kg	Fesili i lau foma'i poo le foma'i talavai
5 kg	3 mL
6 i le 7 kg	3.5 mL
8 i le 9 kg	5 mL
10 i le 12 kg	6 mL
13 i le 14 kg	8 mL
15 i le 16 kg	9.5 mL
17 i le 18 kg	10.5 mL
19 i le 20 kg	12 mL
21 i le 22 kg	13 mL
23 i le 25 kg	14.5 mL
26 i le 28 kg	16.5 mL
29 i le 32 kg	18 mL
33 i le 36 kg	20.5 mL
37 i le 41 kg	23 mL
42 i le 60 kg	26 mL
Sili atu ma le 60 kg	30 i le 40 mL



Mo nisi o fa'amatalaga e uiga i le paracetamol fa'asuāvaia asiasi ane i le pharmac.govt.nz/paracetamol-liquid